

NotiOCA

“Caballista” mas cu un simpel palabra

DEN E EDICION AKI:

Ta caballista	1
Cabalgata	1
Mito de Libano	2
Reunion	2
Secreto	2
Gob. Fajardo	3
Hijo de David	3
Cabay nobo	4

Ser caballista ta trese mucho mas cune cu djis di tin un amor grandi pa cabay of di ta donyo di un cabay. E ta un aceptacion di ser un caballero . . . ser un dama, pero tambe e ta un sentimiento di hermandad y colegialidad. Un comparticion di sentimiento, gusto y experiencia unifica pa e cabay. E cabay ta ofrece y casi forza nos riba un tereno vasto pa comparti cu otro. Un discussion cu hamas ta termina, pero cu si ta ilumina nos pensamiento y criteria. Cu Noti-OCA nos ta trata di contribui den circula informacion y tene tur hende mihor informa posibel.

Cabalgata “back to school”

E fundeshi tabata bon poni pa e cabalgata “Back to School” di Diasabra dia 17 ! Saliendo y terminando for di e mesun caminda, esta Rancho La Ponderosa”, e cabalgata lo tabatin un duracion di algo mas di un hora pero asina mes cu a cambia e ruta na caminda ela dura mas o menos 2ora. Y por a conta 35 cabay, entre nan propietario nan

tradicional manera Nelson Richardson, Alex Mansur, Myron Wever, Tom Pietersz, pero tambe di e generacion nobo manera Dario, Nahar, Igmarr Genser, Alex y Boris, Dairo, Gino, Fernando Lewis, Brigitte Werleman y Giandra Wever, y mucho mas. For di e cushina experto di Rancho Monte Azul, Maritza Werleman a prepara un bon stoba di

bestia chikito pa ningun hende bai cas cu hamber, sino cu un energia bon fortifica. Pa f.25 bo a hanja e cuminda di forza, mas dos drinks sterki of 4 drinks swak. Esaki tabata un bon oportunidad pa e caballista nan pasa un momento social y bin back na rosea tras di tira un silla despues di hopi tempo.

Punto nan di interes:

- Linea di Bribon y Verso na Aruba
- Reunion na Santo Domingo
- Full Moon cabalgata
- Potro y Potranca nobo den feria



Mito de Libano VO

E unico priñez cu "Mito de Libano VO" a laga for di su estadia di Interpaso 2012 a produci Diahuebs ultimo un potranca na Villa Floralina for di e yewa "Esmeralda". E yewa aki ta un yiu di "Escandalo" den "Yerbabuena de Alto Vista". Durante su estadia na Aruba a insemina hopi yewa tanto na Aruba como na Corsow y ta un solo yewa a carga barica. "Mito" ta Fuera de Concurso na Colombia, pero tog nan ta permitie pa e competi den cierto ferianan pa aña y e ta haciendo un tremendo papel. Pa gran alegria di su propietario German Velez, Mito a caba di gana e feria grandi di AgroExpo na Bogota y despues a bira e Gran Campeon Reservado den e Feria de las Flores. Pa loke ta Esmeralda, por bisa cu e ta un yewa jong, pero ya caba el a conquista varios prome lugar den competencianan na Aruba.



Ja OCA ta trahando planes pa e proximo cabalgata. Fullmoon!!? Con boso ta hanja? Leuk toch. Wanta dia 19di Okt HABRI ☺

Reunion tocante mundial 2014 J&A

E proximo reunion di Confepaso na Republica Dominicana lo trata como punto principal e condicionnan bao di cual lo tene e campeonato mundial di jinete y amazona otro aña na e mesun isla merengue. Despues cu a aboli e sistema di e banco di cabai cu ta na disposicion di e competidornan cu no por bin cu cabai, e organisadornan Dominicano a bin cu alternativa cu nan lo presenta na e reunion. Na e republica nan ta realisa cu e competidornan di Aruba, Corsow y Venezuela sigur lo no bin den gran cantidad pa e mundial si no tin un banco. Ta poco di e jinete y amazonanan cu tin e espacio pa huur un cabai pa un dineral di placa. Sin e paisnan aki, e mundial lo hanya e caracter di un mundialito, loke ningun pais cu ta bai gasta tanto placa den e organisacion, lo desea. E idea Dominicano lo mester bai cu regla pa asina no tin abuso of competencia inhueto. Un cos ta sigur y esey ta cu e pais tin hopi bon cabai y nan lo por tin un banco di cabainan impresionante.



"E" secreto di Villa Floralina

Na Villa Floralina nan mester ta sendiendo un bela di suerte cu ta nan so tin. Con otro por splica cu den e ultimo 15 crianan nobo cu a nace, ta solo un ta potro y tur e otronan ta potranca? Nos como caballista mester exihi pa Alex Cybul y Floralina comparti e secreto cu nos. Boso no ta kere?

Papiando di potro y potranca, den e proximo feria di dia 30 di Augustus y prome di September, lo tin basta cara nobo ta sali. Esaki ta un bon experiencia pa nan, prome cu nan mester bolbe subi pista na November pa Interpaso. Asina e inscripcionnan tuma lugar nos lo publica e nombrenan nobo y nan decendencia.

Gobernador Fajardo y Dra. Lucrecia

E ex-alcalde di e ciudad di Medellin y e actual Gobernador di e departamento di Antioquia, e matematico y professor di Universidad Sergio Fajardo tabata na Aruba recientemente riba invitacion di Gobierno di Aruba pa e comparti su experiencia y conocimiento riba tur e proyectonan di infraestructura cu ela ehecuta prome como alcalde y awor como gobernador. El a percura pa un cambio metafórico cu un impacto social favorable y enorme pa e habitantenan di e departamento. Su concepto ta asina exitoso cu el a bira un model pa mundo y e tabata testigua cu na Aruba nan ta siguiendo e mesun direccion.

Gobernador Fajardo tabata acompaña pa su esposa dr. Lucrecia Ramirez Restrepo, psiquiatra di profesion y un cabalista kende ta describi su mes di ta "enfermo con los caballos". Aunke cu e pareha a keda dianan extra especialmente pa descansa y ta lew di actividadnan oficial, nan a acepta un invitacion di algun amigo cabalista di Aruba pa un barbecue y pa mira algun cabai na Villa Floralina. Nan a keda encanta y e encuentro a bira un di largo duracion, caminda Doña Lucrecia a monta dos ehemplar, cu ta e trochaderora "Teoria" y e trotona "Conquistadora". No obstante cu e ta gusta mira cabainan di paso fino, e ta un ferviente amante di cabainan di e paso diagonal, ya cu e ta sali mihor cu nan.

Dr. Lucrecia a gusta e atardi asina hopi, cu e no por a nenga e experiencia di un invitacion pa e siguiente mainta di hiba e cabainan beach y monta nan den laman. "Esaki ta algo cu hamas mi lo lubida," tabata su declaracion despues di a sali di laman y cu un set di foto pa testigua su permanencia riba cabai den laman y recorda e bunita experiencia aki. El a garantisar cu Aruba sigur lo mire mas biaha, ya cu su prome experiencia cu nos isla tabata asina agradable y relajante, sin ningun hende pa interumpi nan tranquilidad. Pues Aruba a gana un otro amigo cabalista grandi !



Excursion cu Criadero "Hijo de David"

Criadero "Hijo de David" di Norman Hugo a cuminsa propaga internacionalmente cu nan ta huur cabai pa excursion na Corsow. Nan ta ofrece tripnan interesante cu bunita paisaje. Asina nan ta menciona cu nan tin un trip pa e seronan di Sorsaka for di cual bo por tira un bista di halto riba henter e cielo e capital cu su bunita edificionan na Punda y Otrabanda. Tambe nan tin un trip pa e salianan di salu na Jan Thiel, cu ta un otro experiencia grandi.

Rancho Paso Fino cu cabay nobo!

O.C.A.

Oranjestad

Aruba

Phone:

(+297) 594-2495

Fax:

(+297)582-3005

E-Mail:

ocaboard@ocaruba.com

Nos website:

<http://www.ocaruba.com/>

Awor e no ta un secreto mas !

Ta berdad cu Mario y Mark Bruin di Rancho Paso Fino di Paradera a enriquece nan caballada cu dos ehemplar mas. E ehemplarnan ainda ta den cuarentena, pero ta trata di un potro yiu di Bribon de San Isidro (Cortesano x Tiznada) y e otro ta un yegua, yiu di Verso de Lusitana, prinja di Dulce Sueño.

Rancho Paso Fino a yega di trese ehemplarnan di raza hopi importante manera Relicario, Cortesano, Dulce Sueños, etc y nan a contribucion tabata importante [pa e deporte di cabai na Aruba. Cu e dos adquisicionnan nobo aki nan a dal un otro paso mas den e bon direccion y nos ta desea nan hopi exito cu nan promesanan nobo.



Tokante nos Organizacion...

E Organisation Caballistico Arubano OCA a wordo funda na año 1985. Meta principal ta pa fomenta e deporte di cabaynan di paso fino, e caballada y aficionadonan aki na Aruba.